



**Joneza:** la Joneza organiseia en **domegna ai 18 de merz n de söi schi** ("Skitog") por i jogn d'La Pli. Enformaziuns plü monüdes sora l'event gnará dades plü ennant.



enformaziuns y termins

→ **Preparaziun al Bato:** l'Uniuin dles Eres Catoliches dal decanat envieia düc i geniturs co á na creatöra da bacé, pers co aspeta, toc y totes, ala preparaziun dal Bato en **sabeda ai 10 de merz** dales 15:00 ales 17:00, tla Ciasa J.B. Runcher a **Badia**. Prenotaziuns, ☎ 0471 849372.

**Referat:** le Consei de Cöra d'La Val envieia al referat de siur Sepl Granruaz: "Por ci él pa sté la jënt che á mazé söla Crusc nosc Signur?", en dedolönesc ai 6 de merz, ales 20:00, tal Salf dles Manifestaziuns "Domène Moling", La Val.

"**Maria, öna de nos**" - **manifestaziun di Focolars:** en gaujiun dal 10. aniversar dala mort de Chiara Lubich, envieia le Movimont dai Focolars a n de de spiritualité, en domegna ai 11 de merz, tla ciasa "Voitsberg" a Vahrn. Al met man ales 9:45 y se röa con la messa ales 15:30. Infos pa Resi y Giovanni Craffonara, ☎ 0474 501202.

**Pelegrinaje/1:** le K.V.W. Val Badia lascia alessei ch'al é ciamó posc ledi por le pelegrinaje tla Slovenia da 14 ai 17 de ma. Por informaziuns y prenotaziunse, pa Hilda Sottara, ☎ 0474 523133 o Iaco Clement, ☎ 0471 839772.

**Pelegrinaje/2:** al ven organisé 2 pelegrinaji a Medjugorje, le pröm dai 25 ai 30 d'aori (6 dis) y le secundo dai 23 ai 27 de ma (5 dis). Enformaziuns y prenotaziuns pa Konrad y Cristina Sottara, ☎ 0471 843077.

**Sorvisc ai Jogn:** le SaJ envieia les mitans dai 10 ai 12 agn ala "Zyklusshow" ai 10 de merz dales 13:30 ales 18:30 tal Zenter dla joneza y dla cultura SaJ.un a La Ila. Prenotaziuns te Sorvisc ai Jogn, ☎ 0474 523070 cina ai 1 de merz.

**Zenter Families Mareo:** dötes les families co ess enteres da diventé member al Zenter Families Mareo á la poscibilité da aderí ala uniuin paienn ete 20,00 € sön le IBAN : IT 67 08010 58550 000305024064 Zenter Families Mareo, causala socio nō 2018. Der important: dé dant la misciun e-mail por cialé dötes les comunicaziuns. Enformaziuns: <http://www.valbadiaonline.it/comunite/uniuns/zenter-families-mareo>

**Scora de Musiga:** les iscriziuns por l'ann de scora 2018/19 ven tutes sö dertan döt le mens de merz. I formulars cialon tal secretariat dla Scora de Musiga a La Ila o te internet (sot a [www.musikschule.it](http://www.musikschule.it)). Por informaziuns, ☎ 0471 847748.

**Udiensa dla defensuria zivica** Gabriele Morandell o de söa colaboradessa Verena Crazzolara, en vendres ai 9 de merz, dales 14:30 ales 16:00, te Ciasa de Comun a San Martin. Informaziuns y prenotaziuns, ☎ 0471 301155.

<b>Döt le bun a:</b>	Berta Kanetscheider Glira, <i>San Ciascian</i>	* 05.03.1937
	Lena Frena Brandlechner	* 09.03.1930
	Teresa Rigo Taibon	* 09.03.1934
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina le **dedemesaledema** sera a Franz Rigo: ☎ 0474 500978 o ✉ [ploania@gmx.net](mailto:ploania@gmx.net)  
**Download plata:** [www.unitepastorala.org](http://www.unitepastorala.org)



**Idio ti á orü tan bun al monn, ch'al á dé ca so Fi su, por che vignönn co crei, áis te el la vita eterna.**

Es 20, 1–17 | 1 Cor 1, 22–25 | Jan 2, 13–25

**Dal Vangelo do San Jan:**

<sup>13</sup>La festa de Pasca dai iüdes ea dampró, y Gejú é jü sö lerúsalem. <sup>14</sup>Tal templ ál urté y sciacri de armonc, biesces y colombes y i engiamiadus de scioldi, co ea sontés danló. <sup>15</sup>Do ch'al á fat na scoriada de cordes i ál paré düc fora dal templ adöm con les biesces y i armonc; i scioldi dai engiamiadus ál jüté fora, y söes meses ál rosedé sotissora. <sup>16</sup>Ai sciacri dales colombes ti ál dit: Jide demez con cösc patüc, ne stede a fá fora dla ciasa de mio Pere n salf da marcé. <sup>17</sup>Sü discepui se recordâ dla parora dla Scritöra: La pasciun por mia ciasa mo consumeia. <sup>18</sup>Sön cösta l'á i iüdes tut a cunt: Ci segn nes lásceste pa odei por desmostré che te pos fá cösc? <sup>19</sup>Gejú ti á respognü: Tirede jö cösc templ, te trei dis le fajarái endô sö. <sup>20</sup>Danló á dit i iüdes: Carantessis agn alalungia él gnü frabiché pa cösc templ, y tö ôs le fá sö te trei dis? <sup>21</sup>Mo el minâ le templ de so corp. <sup>22</sup>Do ch'al ea ressorí dai morc, s'á sü discepui recordé ch'al á albü dit cösc, y ai ti cherdea ala Scritöra y ala parora che Gejú á albü dit. [...]

**Oraziun dal de**

*Periun! Dio, nosc Pere, fontana dla misericordia y dla bunté, i sun piciadús dan da te y nosta coscionza nes encolpeia: ciara sön nosta meseria y láscesse cialé pordonn con la penitonza, l'oraziun y les opres de carité. Por nosc Signur Gejú Crist, to Fi, co é Dio y vir y regneia con te t'l'unité dal Spirit Sant por düc i secui dai secui. – Amen.* (Lezionar B)



Letöres dla Cuarta domegna de Carsema "Laetare":  
**2 Cro. 36, 14–16.19–23 | Ef 2, 4–10 | Jan 3, 14–21**

## Edema liturgica dai 04.03. ai 11.03.2018

<b>DOM 04.</b>	<b>Terza domegna de Carsema de de solidarieté por la patronat ACLI-KVW</b>	<i>Casimir, Rupert</i>
<b>08:30</b>	<b>gran messa</b> por dōta la ploania y devoziun a Santa Maria <i>oferta por le patronat ACLI-KVW</i>	
10:00	s.m. a Al Plan	
<b>Lön 05.</b>	<i>Oliva, Dietmar</i>	
→	<b>de d'oraziun personala y te familia</b>	
<b>Ded 06.</b>	<i>Fridolin, Coleta</i>	
<b>07:30</b>	<b>s.m.</b> por dūc i pūri d'La Pli <b>s.m.</b> por † Maria Kehrer, Mone <b>s.m.</b> por †† fredesc Ploner, La Munt	
<b>Dem 07.</b>	<i>Perpetua y Felizita, Reinhard</i>	
→ 19:30	<b>les Staziuns</b> con l'Uniun dai Ei	
<b>Jöb 08.</b>	<i>Jan de Dio, Georg Michael</i>	
<b>19:30</b>	<b>s.m.</b> dai scolari dla mesana por † Pasquale Winkler, Rara <b>s.m.</b> por † Tone Daverda, Ierghele	
<b>Ven 09.</b>	<i>Bruno da Querfurt, Franzisca, Dominicus Savio</i>	<b>astinonza dla cern</b>
→ 19:30	<b>zelebrazium dla Parora de Dio</b>	
<b>Sab 10.</b>	<i>I 40 martirs, Gustav, Milio</i>	
18:00	s.m. <i>prefestia a Al Plan</i>	
<b>19:30</b>	<b>s.m. prefestia</b> ad intenziun en onú de S. Maria por fam. Facchini <b>s.m.</b> por la fam. Martin y Bernardetta Rigo, Alnei	
<b>DOM 11.</b>	<b>Cuarta domegna de Carsema "Laetare" de dal Seminar y dai internac y dles scores dla dlijia</b>	<i>Rosina, Ulrich</i>
<b>08:30</b>	<b>gran messa</b> por dōta la ploania <i>oferta por le Kassian Tschiederer-Werk</i>	
10:00	s.m. a Al Plan	
<i>ampola:</i>	por fam. Brandlechter, Sotrú	
<i>ministronc:</i>	▶ da doman y domegna: Emilie Rigo y Elias Ellecosta ▶ da sera y domegna: Filip Taibon y David Willeit	
<i>i recordun:</i>	Alfons Pedevilla, Braies	+ 07.03.2013



## En bel coraje de recostruziun (Jan 2, 13–25)

### I ponsi do

*En riferimont tler de Gejú a sōa mort y a sōa ressozeziun: ala Pasca, a chera che i s'arjignun ca dertan cōsta Carsema.*

*Chi co crei a Gejú y le tol sō pó jí ete te cōsc templ nō. Al é cherdé da morí dal egosísm y dal picé y a rosserí y a vire na víta plena d'amur.*

→ **I mo toli dant:** da m'arjigné ca endortōra al Sacramont dla Pissia, por renové mio cōr.

*Walter Cazzaniga, Parola amica – Il Vangelo della domenica per ragazzi*

### I preii ensciö

To corp é n templ sacher, mo ince der ciapé sot y oltrajé. Gejú, tō as orū tō sōn te nūsc picés y nostes marizies. Tō as tut sōn cōsc to corp i dolurs y les soferenzes, frūc dla cativeria y dl'iniustizia. T'es veramonter gnū "desdrūt"! Mo - y atló sta tōa forza y tōa grandeza - tō n'es nia gnū batū: tō as davagné! T'es rosserí y t'as, te trei dis, nia ma „fat sō da nō“ tōa víta, mo ince la nosta. Te s'as dé da nō speranza y amur, fidonza y coraji. I jun porchel sen ete te cōsc templ nō: al é to cōr co nes tól sō y nes pardona, co nes scinca ligreza y tan de motivaziun por jí ennant nosc tru dla víta.



## Stories de Adam y Eva cuntades ai mituns (3)



### Tal meter man

La tera é trep plū vedla co la porsona. Ara n'é nia gnūda fata por cajo. Chelbeldio l'á fata. Al l'á cheriada por nos – dan da trec agn. Canche Chelbeldio, le Signur, â fat le ci y la tera ne cherscêl ciamó degün len y degünes trogneres. Chelbeldio, le Signur n'â nia ciamó lascé gní la plōia. Al n'ea gnanca ciamó degüna jont, degün Adam co somenâ tai ciamp. Mo dal sot dla tera tirâl sō umidité y le terac gnea morjel y produtif.

Chelbeldio, le Signur, â tut tera, â formé la porsona y ti â sofle ete vita.

Chelbeldio â cherié la porsona do sōa someia, do la someia de Chelbeldio l'âl fata. Al i â cherié desco el y era. Chelbeldio i â benedí y ti â dit: Oresse bun y multiplichesse. Emplíde la tera y sotmetessla.

### ? Ensciö o ensciö ...

*Chelbeldio m'á dé edli. lu pó i daurí y odei. O, iu pó i slü y ester verc. Chelbeldio m'á dé mans. lu pó fá aicia empara. O, iu pó ti fá me a d'atri. Chelbeldio m'á dé oredles. lu pó ascuté sō. O, iu pó fá desch'i n'aldiss nia. Chelbeldio m'á dé na bočia. lu pó dí la lereté. O, iu pó montí. Chelbeldio m'á dé en cōr. lu pó orei bun. O, iu pó avei le senn. Chelbeldio mo lascia me tó la dezijiun, co adoré dōtes mies cualitês: i sun lede da fá dal mal o dal ben, da fá dert o falé, ensciö o ensciö. Valiade él emportant ponsé do: ne podessi mo nia fá val' atramonter o miú? Ne podessi mo nia adoré mies cualitês plū gonot por fá dal ben?*